



COMUNU DE CABUDERRA

Tzitadi Metropolitana de Casteddu

DELIBERATZIONI DE SA GIUNTA COMUNALI N. 3 DE SU 11/01/2023

OGETU: *ORGANIZATZIONI DE SA FESTA DE SANT'ANTONI PO SU 21 DE GENNÀRGIU 2023.*

S' annu 2023, s' 11 de su mesi di Gennàrgiu a ora de is 12.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

Nòmini e Sangunau

Beniamino Garau
Dessi Donatella
Frongia Pietro
Montis Giovanni
Sorgia Silvia
Solinas Marco
Garone Katuscia

Càrriga

Sìndigu
Assessori
Assessori
Assessori
Assessori
Assessori
Assessori

Presenti

Eja
Eja
Eja
Eja
Eja
Eja
Eja

Presentis: 7

Ausentis: 0

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

SA GIUNTA COMUNALI

Postu chi po sa festa de S. Antoni Abate s' Aministratzioni Comunali bolit organizai, sighendi sa traditzioni, su fogadoni, chi est finas unu momentu de agregatzioni e festa po totu sa Comunità; - po s' eventu si previdit chi ant a pigai parti finas *hobbistas*, artèsanus e bendoris de su cumèrtziu itineranti de cosa de papai e bufai;

Ca sa manifestatzioni bolit aprontada e tocat finas agatai su logu e nc' adotai diretivas po s' amparu de s' incolumidadi pùblica e finas po sa seguresa de sa viabilidadi;

Postu chi is mercaus temporàneus sighint is regulamentus comunalis e is deliberatzioni de sa Giunta Comunali chi aprovant is tarifas (G.C. N.46/2022 chi cunfirmat is tarifas aprovas in su 2021 cun atu n.43);

Arriciu su parri a favori de regularidadi tècnica de parti de sa Responsàbili de su Setori interessau, cunforma a s' art. 49, c. 1, de su D.Lgs. n. 267/2000;

Cun votazioni a favori e a totòmini cunforma a sa lei

DELÌBERAT

De programai sa festa de S. Antoni po sa dii de su 21 de gennàrgiu 2023 chi previdit in prus de su fogadoni sa presèntzia de *hobbistas*, artèsanus e bendoris de cosa de papai e de bufai, aici puru sa partecipazioni de sa Comunità;

De sceberai s' àrea de Cursu Gramsci intre is bias de Montello, ingruxada intre bia de Vittorio Emanuele e Pratzza Sardegna incluida, cun unu nùmeru màssimu de n. 14 postègius, de mannesa diferenti (in s' in casu de mannesas inferioris si nc' ant a ponni prus postègius);

De incarrigai su Setori de cumpetèntzia po s' adotzioni de totu is provedimentus po sa seguresa pùblica;

De incarrigai su Setori de cumpetèntzia a ponni in pràtica custa delibera, finas po s' aplicazioni de is tarifas in vigèntzia in matèria de bèndida.
